

সহজযোগী হওয়ার সাধন - অনুভবের অথরিটির আসন (কুমারীদের সাথে সাক্ষাৎকার)

আজ বেহদ ড্রামার রচয়িতা, বাবা, ড্রামার ওয়ান্ডারফুল সঙ্গমযুগের দিব্য দৃশ্যগুলোর মধ্যে মধুবনের বিশেষ দৃশ্য দেখছেন। মধুবনের স্টেজে প্রত্যেক মুহূর্তে মজাদার, মনোরম পার্ট চলছে ; যা দূরে বসেও বাপদাদা যেন কাছ থেকে দেখতে পারছেন। এই সময় স্টেজে হিরো অ্যাক্টর কে ? ডবল পবিত্র আত্মারা, শ্রেষ্ঠ আত্মারা, যারা তাদের জাগতিক জীবনে পবিত্র এবং আত্মাও পবিত্র। সেইজন্য ডবল পবিত্র বিশেষ আত্মাদের হিরো পার্ট মধুবন স্টেজে অভিনীত হতে দেখে বাপদাদাও অতিশয় পুলকিত। কোন্ কোন্ প্ল্যান তোমরা বানিয়েছ, কি কি সঙ্কল্প করছ, কি ধরণের ওঠানামায় থাকো, বাপদাদা তোমাদের সাহস আর ওঠানামার খেলা দুইই দেখছেন। যুক্তি দিয়ে তোমাদের সাহস বাঁচিয়ে রাখা, এটা খুব ভালো। তোমাদের প্রবল উদ্যম-উদ্দীপনাও আছে। যতই হোক, সেইসঙ্গে অল্পস্বল্প 'হ্যাঁ' বা 'না'-এর মিক্সড সঙ্কল্পও থাকে। বাপদাদা এক মজাদার খেলা দেখছিলেন। তোমাদের অতি শ্রেষ্ঠ কামনা থাকে যে তোমরা অবশ্যই কিছু করে দেখাবে, কিন্তু মনে প্রবল উদ্যমের কামনা বা সঙ্কল্প তোমাদের চেহারায়ে ঝলক দেয়না। তোমাদের চেহারায়ে শুদ্ধ সংকল্পের চমক পার্সেন্টেজ মাত্রই বাবা দেখেছিলেন। এটা কেন ? এর কারণ কি ? তোমাদের শুদ্ধ সঙ্কল্প তো আছে কিন্তু সঙ্কল্পে শক্তি আছে স্বল্পমাত্রায়। সঙ্কল্প রূপী বীজ আছে কিন্তু শক্তিশালী বীজ যা প্রত্যক্ষ ফল অর্থাৎ প্রত্যক্ষ রূপে আনন্দ-উচ্ছলতায় দেখা দেবে, সেইরকম এখন আরও প্রয়োজন।

চেহারায়ে উৎসাহ-উদ্দীপনার সবচেয়ে বেশি জমক বা ঝলক আনার সাধন হলো, প্রত্যেক গুণ, শক্তি এবং জ্ঞানের পয়েন্টের অনুভবে পরিপূর্ণতা। অনুভবেই সবচেয়ে বড় অথরিটি। অথরিটির ঝলক চেহারায়ে আর আচরণে স্বতঃই বিকশিত হয়। বাপদাদা বর্তমানের হিরো পার্টধারী সবাইকে দেখতে দেখতে মৃদু হাসছিলেন। তোমরা খুশিতে নাচতে থাকো, কিন্তু কারও কারও নাচ সমস্ত বায়ুমণ্ডলকেও নাচিয়ে দেয়। তাদের অ্যাঙ্কে সেই ঝলকানি দেখা যায়। যাকে তোমরা বলো, নিজেরা রাস করতে করতে মাতিয়ে দিয়েছে অর্থাৎ সবাইকে নাচিয়ে দেয়। সুতরাং, এমন আড়ম্বরপূর্ণ ঝলক তোমাদের আরও অনেক বেশি দেখাতে হবে। এর আধার কি তা তোমরা শুনেছ। যারা শোনে এবং অন্যকে শোনায়, তোমরা সেইরকম হয়ে গেছ, কিন্তু সাথে সাথে অনুভাবীর প্রতিমূর্তি হওয়ার বিশেষ পার্ট প্লে করতে হবে। অনুভবের অথরিটি যাদের আছে তাদের কখনও মায়ার বিভিন্ন রয়্যাল রূপের কোনো একটাও কৌশলে ভুলপথে চালিত করতে পারবেনা। অথরিটি সহ অনুভাবী আত্মারা সর্বদা নিজেদের পরিপূর্ণ অনুভব করবে। নির্ণয় শক্তি, সহন শক্তি বা কোনরকম শক্তি থেকে তারা খালি হবেনা। বীজ যেমন সদাসর্বদা ভরপুর হয়, ঠিক তেমনই জ্ঞান, গুণ, শক্তি সবকিছুতে ভরপুর। একে বলা হয়ে থাকে মাষ্টার আলমাইটি অথরিটি হওয়া। এদের সামনেই মায়্যা নত হয়, তাদের নত করায় না। যেমন, যাদের হৃদের অথরিটি আছে এমন বিশেষ ব্যক্তিদের সামনে সবাই নত হয়, কারণ অথরিটির মহত্ব সবাইকে স্বতঃই নত করায়। সুতরাং, বাবা বিশেষ কি দেখেছিলেন ? অনুভবের অথরিটির সীটে তোমরা এখন সেট হচ্ছে। স্পিকারের সীট তোমরা নিয়ে নিয়েছ কিন্তু 'সর্ব অনুভবের অথরিটির আসন' এখন নিতে হবে। তোমাদের বলা হয়েছিল যে দুনিয়ার মানুষের কাছে সিংহাসন আছে আর

তোমাদের আছে অথরিটির আসন । এই আসনে সদা স্থিত থাকো । তাহলেই তোমরা সহজ যোগী, সদা যোগী এবং স্বতঃ যোগী হয়ে যাবে ।

এখন অমৃতবেলার দৃশ্য তো আরও অনেক কৌতুকপ্রদ । কেউ কেউ তাদের লক্ষ্যে পৌঁছাতে পৌঁছাতে ক্লান্ত হয়ে পড়ে । কেউ ডবল দোলায় দোলে । কেউ হঠযোগী হয়ে বসে । কেউ কেবল নেমিনাথ হয়ে বসে । কেউ কেউ ধ্যানে মগ্নও হয়ে যায় । স্মরণ শব্দের অর্থের প্রতিমূর্তি হওয়ায় এখন বিশেষ অ্যাটেনশন দাও । যোগী আত্মাদের ঝলক চেহারায়ে প্রতিভাত হোক । যা তোমার মনে তা' অবশ্যই ললাটে ঝলক দেয় । এইরকম ভেবোনা যে মনে তো আমাদের অনেক কিছু আছে । মনের শক্তির দর্পণ তোমার চেহারা অর্থাৎ মুখ । যতই তোমরা বলো যে আমরা খুশিতে নাচি কিন্তু চেহারায়ে উদাসীনতা দেখে কেউ মানবেনা । সব হারানো চেহারা আর সবকিছু পাওয়ার চেহারার ফারাক তো তোমরা জানো, তাই না ! সবকিছু পাওয়ার খুশির চমক চেহারায়ে দেখা যেতে হবে । তোমার শুষ্ক চেহারা নয়, খুশির চেহারা যেন বিকশিত হয় । হিরো পার্টধারী বাচ্চাদের মহিমা বাপদাদাও গান । আজকাল তবুও তন মন সহ তোমরা ফ্যাশনেবল দুনিয়া থেকে সরে গিয়ে বাবাকে তোমাদের সহায় বানিয়েছ । এই দূঢ় সঙ্কল্পের জন্য তোমাদের অনেক অনেক অভিনন্দন । সদা এই সঙ্কল্পে অনড় থাকো । বাপদাদা এই বরদান দেন । এই শ্রেষ্ঠ ভাগ্যের খুশিতে, তোমরা স্নেহের পুষ্প অর্পণ করো । সেইসঙ্গে বাপদাদা, বাবা সমান সম্পন্ন হওয়া অথরিটি বাচ্চাদের শুদ্ধ সঙ্কল্প পরিপূর্ণ করার বিধি বলেন । তিনি অভিনন্দনও জানান এবং তোমাদের বিধিও বলেন ।

সবাই সমারোহ উদযাপন করে, সম্পন্ন হওয়ার লক্ষ্য সাথে নিয়ে ফিরে যাচ্ছ, তাই তো ? যারা আদি থেকে তারা তো সেই একই পুরানোতে থেকে গেছে, কিন্তু তোমরা বাবা সমান হয়ে যাও । সবার ফটো তো নেওয়া হয়েছে, তাই না ! ফোটা এখানে স্মৃতিচিহ্ন হয়ে গেছে । এখন দিদি দাদীও দেখবেন যে অথরিটির আসনে কে কে কতখানি স্থিত হয়েছে ! সেন্টারে থাকাও কোনো বড় ব্যাপার নয়, কিন্তু বিশেষ পার্টধারী হয়ে পার্ট প্লে করাই হলো বিস্ময়ের । যাতে সবাই বলে, এই গ্রুপের সব আত্মা বাবা সমান সম্পন্ন স্বরূপ । খালি হয়োনা । খালি জিনিসই আন্দোলিত হয় । বিচ্ছিন্ন হও অর্থাৎ সম্পন্ন হও । শুধু কুমারীদের জন্য নয়, কিন্তু সবার জন্যে । সম্পন্ন তো সবাইকে হতে হবে, তাই না ! তোমরা সবাই যারা এসেছ, মধুবনের বিশেষ উপহার, 'সর্ব অনুভবের অথরিটির আসন' সাথে নিয়ে যেও । এই উপহার কখনো তোমার থেকে আলাদা ক'রোনা । তোমরা সবাই এই উপহার নিয়েছ নাকি শুধু কুমারীরা এটা নিয়েছে ? এমনকি মধুবন নিবাসীও আজ এই উপহার নিয়েছে । কোথায় বসে আছো সেটা কোনো ব্যাপার না, তোমরা বাবার সামনে বসে আছো !

যারা এসেছে সেই কমল ফুলসম বাচ্চাদের, মধুবন নিবাসীদের, চারিদিকের দেশ-বিদেশের বাচ্চাদের এবং বর্তমান স্টেজের হিরো পার্টধারী শ্রেষ্ঠ আত্মাদের সবাইকে 'অনুভাবী ভব'র বরদানের সাথে বরদাতা বাবার স্মরণ-স্নেহ এবং নমস্কার ।

কুমারীরা বিশেষ সঙ্কল্প করেছিল । তোমরা এই বিশেষ সঙ্কল্পের দ্বারা বিশেষ আত্মা হয়েছে ? তোমাদের বিশেষ সঙ্কল্প কি ছিল ? সদা মহাবীরনী (বীরাজনা) হয়ে বিজয়ী হবে, এই সঙ্কল্পই নিয়েছিলে, তাই না ! সদা বিজয়ী সদা মহাবীরনী নাকি অল্প সময়ের জন্য ? এরপরে কখনো কোনরকম মায়া তো আসবে না ? অর্ধকল্পের জন্য শেষ হয়েছে, কখনো সঙ্কল্পের দ্বন্দ্ব হবেনা তো ! কখনো ব্যর্থ সঙ্কল্পের তুফান আসবেনা তো ! যদি বারবার মায়ার আক্রমণে হেরে যাও, তোমরা কমজোর হয়ে যাবে ।

যেমন কারও যদি বারবার ধাক্কা লাগে তবে সেই ব্যক্তির হাড় কমজোর হয়ে যায়, তাই না ! তারপর প্লাস্টার লাগাতে হয়, এইজন্য কখনও কমজোর হয়ে হার মেনে নিওনা । মহাবীরনী হওয়া অর্থাৎ সঙ্কল্প করার সাথে সাথে সেই সঙ্কল্পের স্বরূপ হওয়া । এইরকম নয় যে সেখানে গিয়ে দেখবো, করবো....ভবিষ্যতে কিছু করার 'বো ' 'বো ' করা নয়; যে সঙ্কল্প নিয়েছ তাতে দৃঢ় থাকা, তবে বিজয় পতাকা উড়তে থাকবে । যখন এই দৃঢ় সঙ্কল্পের সাথে তোমরা অনেকে নিজ নিজ স্থানে ফিরে যাবে তো সর্বত্র জয়-জয়কার হয়ে যাবে । সবকিছু শুধুমাত্র একটা সঙ্কল্পে সহজ হয়ে যাবে । যে সঙ্কল্প করেছে তাতে জল দিতে থাকো । প্রত্যেক মাসের রেজাল্ট লিখো । কখনো কমজোর সঙ্কল্প করোনা । যাওয়ার আগে এই সঙ্কল্প শেষ করে যেও । তোমরা এই দৃঢ় সঙ্কল্প করে যাও যে, তোমরা সামনে এগোবে, বিজয়ী হবে । আচ্ছা ।

তোমাদের সবার আশা পূরণ হয়েছে ? কুমারীদের আশা পূরণ হয়েছে তো মাতাদেরও আশা পূরণ হয়েছে । এই সময় তোমরা অল্পই এসেছ এইজন্য ভালো চান্স লাভ করেছে । এই সময় কুমারীদের অনুযোগ অপসারিত হয়েছে । কোনো অনুযোগ নেই, সবাই কমপ্লিট হয়ে যাচ্ছ, তাই না ! এখন দেখা যাবে নদী কোথায় বইবে । পুকুর হয় নাকি বড় নদী বা ছোট নদী নাকি কুয়া হয় ! কুয়া পুকুরের থেকেও তো ছোট হয়, তাই না ? তাহলে দেখা যাক কি হয় ! সেই রেজাল্ট তো আসবে, তাই না ! কুমারীদের দেখে মনে হয় কত হাত বেরিয়েছে, সেখানে মাতাদের দেখে মনে হয় বার হওয়া তাদের জন্য একটু মুশকিল হয় । সুতরাং, এখন নির্বিঘ্ন হ্যান্ড হতে হবে । এইরকম সেবাও করোনা যে, তোমরা সেবা করার সাথে সাথে অন্যের সেবাও নিতে থাকবে; এটা করোনা । সেবার সাথে যদি অভিযোগ উঠে আসে তবে সেবার ফল বেরোবে না, এইজন্য নির্বিঘ্ন হতে হবে । এইরকম উচিৎ হবেনা যে, তোমরাই বিঘ্ন রূপ হয়ে দাদী দিদির সামনে আসতে থাকবে, সহায়ক হ্যান্ড হতে হবে । নিজে সেবা নিও না । তবেই সদা বিঘ্ন থেকে মুক্ত থাকবে এবং সেবাকে নির্বিঘ্নে এগিয়ে নিয়ে যাবে - এইরকম দৃঢ় সঙ্কল্প করে যেও । আচ্ছা ।

কুমারীদের গ্রুপের সাথে:-

তোমরা সবাই নিজেদের বিশেষ আত্মা মনে করো, তাই তো ? বিশেষ আত্মা অর্থাৎ বিশেষ কার্যের নিমিত্ত । তোমরা প্রত্যেকে এক বিশেষ বিশেষ কার্যের নিমিত্ত হয়েছ । তোমরা এক এক কুমারী ২১ কুলের উন্নতিসাধন করবে । যখনই যেখানে যাওয়ার অর্ডার পাও, তোমরা হাজির । তোমরা এইরকম বিঘ্নমুক্ত সেবাধারী, তাই তো ! যে সময় যে সেবা পাও, তোমরা হাজির । সেবা করা অর্থাৎ প্রত্যক্ষ ফল খাওয়া । যখন তোমরা প্রত্যক্ষ ফল পেয়ে যাও, তখন সেই ফল খেয়ে শক্তি লাভ করো । প্রত্যক্ষ ফল খেয়ে আত্মারা শক্তিশালী হয় । তোমাদের যখন এইরকম প্রাপ্তি, তখন তো তোমাদের সেটা করা উচিৎ, তাই না ! লোকিকে তো একমাস চাকরি করবে, পরে টাকা পাবে । এখানে তো প্রত্যক্ষ ফল প্রাপ্ত করো । অবশ্যই এটা ভবিষ্যতের জন্য জমা হয় কিন্তু বর্তমানেও তোমাদের কিছু প্রাপ্তি হয় । তাহলে এইরকম ডবল ফল যে কার্যের জন্য পাওয়া যায় সেটাই আগে করা উচিৎ, তাই না ! কাউকে কাউকে বাপদাদা, দাদী- দিদি ডিরেকশন দিয়ে থাকেন - সার্ভিস করো, শ্রীমতে করলে নিজের দায়িত্ব থাকেনা । যখন তুমি মোহবশতঃ বা মনের দুর্বলতা থেকে করো, তখন সেটা শ্রেষ্ঠ হতে পারেনা । তোমার ট্রায়াল চলাকালীন তুমি যদি সন্তুষ্ট থেকে অন্যকেও সন্তুষ্ট করো, তুমি সার্টিফিকেট পাবে । অন্যদের সাথে সঙ্গতি রেখে চলার লক্ষ্য রাখতে হবে । ভাবো, আমাকে বদলাতে হবে । যারা

নিজেদের বদলানোর ভাবনা রাখে, তারা সবাই সব বিষয়ে বিজয়ী হয়ে যায় । যারা অন্যদের বদলানোর অপেক্ষা করে তারা ভুল পথে চালিত হয় এবং এই কারণে সদা নিজেকে বদলাতে হবে, তোমাকে নিজেকে করতে হবে । প্রথমে, সব বিষয়ে আগে নিজেকে রাখো অভিমানে নয়, কিন্তু কিছু করায় আগে রাখো তো সাফল্যই সাফল্য ।

পার্টীদের সাথে সাক্ষাৎকার:- বাপদাদা আগেই বাচ্চাদের বিশেষত্বের গুণ গান করেছেন । যারা বাপদাদার সমান সেবাধারী, সেই বাচ্চাদের বাপদাদা কোথায় রাখেন ? (নয়নে) সারা শরীরে নয়ন সবচেয়ে সূক্ষ্ম আর নয়নে যে মণি আছে তা' কত সূক্ষ্ম, ঠিক একটা বিন্দু ! সুতরাং, বাবার নয়নে যারা অন্তর্লীন হয় তারা অতি সূক্ষ্ম, পৃথক হয়েও অতি প্রিয় এবং বাবার অনুরাগী । তোমরা এটা অনুভব করছ তাই না ! ড্রামা অনুসারে তোমরা খুব ভালো চান্স লাভ করেছ । তোমরা এটা কেন ভালো বলো ? কারণ তোমরা যত বিজি থাকবে ততই মায়াজিৎ হয়ে যাবে । বিজি থাকার ভালো সাধন তোমরা পেয়ে গেছ, তাই না ! বিজি থাকার সাধন হলো সেবা । কোন সময় যখন মায়ার বিদ্বি আসে সেই সময়ে, যারা সেবা করবে তারা তোমার সামনে এলে আগে নিজেকে ঠিক করে তাদের সেবা করবে । কি হয়েছে সেটা কোনো ব্যাপার নয়, তোমরা তৈরি হয়ে তারপরই তো মুরলি শোনাবে, তাই তো ! অন্যদের মুরলি শোনাতে শোনাতে নিজেকেও শুনিয়ে দিও । অন্যের সেবা করে, নিজেও সহায়তা লাভ করো, এইজন্য অনেক অনেক শ্রেষ্ঠ সাধন প্রাপ্ত হয়েছে । এক হলো তোমাদের নিজের পুরুষার্থ করা, আরেক হলো অন্যের থেকে সহযোগের প্রাপ্তির সাধন । তাহলে এটা ডবল হয়ে গেল, তাই না ! প্রবৃত্তির দেখভাল করতে করতে সেবার দায়িত্ব পালন করছ, এতেও ডবল লাভ হয়ে গেল । এটা যেন ঠিক সেইরকম রাস্তা দিয়ে চলতে চলতে 'খুদা দোস্ত '-এর থেকে বাদশাহী পাওয়ার মতো । ডবল প্রাপ্তি, ডবল দায়িত্ব, কিন্তু ডবল দায়িত্ব থাকা সত্ত্বেও ডবল লাইট মনে করলে কখনো লৌকিক দায়িত্ব তোমাদের ক্লান্ত করবেনা কেননা তোমরা তো ট্রাস্টি, তাই না ? ট্রাস্টি কিভাবে ক্লান্ত হবে ! নিজের গৃহস্থী, নিজের প্রবৃত্তি মনে করলেই, বোঝা হয়ে যায় । যদি তোমারই নয় তাহলে আর বোঝা কিসের ! পাণ্ডবদের কখনো লৌকিক ব্যবহার, লৌকিক বায়ুমণ্ডলে বোঝা মনে হয়না তো ? সম্পূর্ণরূপে পৃথক অথচ প্রিয় ; বালক যে, সেই মালিক এইরকম নেশা থাকে তোমাদের ? মালিকভাবের নেশা বেহদের । বেহদের নেশা বেহদ (অনন্ত সময়) চলবে আর হদের নেশা হদ পর্যন্ত অর্থাৎ একটা সময়সীমা পর্যন্ত চলবে । সদা এই বেহদের নেশা তোমাদের স্মৃতিতে রাখো, বাবা কি কি তোমাদের দিয়েছেন । যে ঐশ্বর্য ভাণ্ডার তোমরা পেয়েছ তা' নিজেদের সামনে রেখে নিজেকে দেখ, সর্ব ধনসম্পদে তোমরা পরিপূর্ণ হয়েছে ? যদি না, তবে কোন ধনের খামতি আছে এবং কেনই বা তা' ধারণ হয়নি ? তারপরে সেই প্রমাণ থেকেই সবকিছু চেক করে ধারণ করো । এটা কোন সময় ? বাবা শ্রেষ্ঠ, প্রাপ্তিও শ্রেষ্ঠ, তোমরা নিজেরাও শ্রেষ্ঠ । যেখানে শ্রেষ্ঠত্ব সেখানে প্রাপ্তি আছেই । যদি সাধারণত্ব থাকে তবে প্রাপ্তিও সাধারণ । আচ্ছা ।

প্রশ্ন: - বাবা কোন বাচ্চাদের জন্য গর্ববোধ করেন ?

উত্তর: - যে বাচ্চা কামাই (আয়) করে, বাবা সেইরকম বাচ্চাদের জন্য খুব গর্ববোধ করেন । প্রতি সেকেন্ডে শত গুনেরও বেশি আয় তোমরা জমা করতে পারো । যেমন একের পরে একটা শূন্য লাগালে ১০ হয়ে যায় , আরও একটা শূন্য দিলে ১০০ হয় । এইরকম এক সেকেন্ড বাবাকে স্মরণ

করো তো সেকেন্ড পার হয়ে গেল আর শূন্য বসে গেল, এতবড় কামাই এখনই জমা করতে পারো, তারপর অনেক জন্ম ধরে খেতে থাকবে ।

বরদানঃ - একাগ্রতার অভ্যাস দ্বারা মন -বুদ্ধিকে অনুভবের সীটে সেট করে নির্বিঘ্ন ভব

একাগ্রতার শক্তি সহজেই নির্বিঘ্ন বানিয়ে দেয় । এইজন্য মন - বুদ্ধিকে যে কোনও অনুভবের সীটে সেট করে দাও । একাগ্রতার শক্তি স্বতঃই 'এক বাবা দ্বিতীয় কেউ নয় '- এই অনুভব করায় । এতে সহজেই একরস স্থিতি তৈরি হয় । সবার প্রতি কল্যাণের বৃত্তি থাকে, একাগ্রতার অভ্যাসে ভ্রাতৃত্বভাবের দৃষ্টি থাকে । এইরকম আত্মাকে কখনো কোনও কমজোর সংস্কার, কোনো আত্মা বা প্রকৃতি, কোন প্রকারের রম্যাল মায়া আপসেট করতে পারেনা ।

স্লোগানঃ - সেকেন্ডে বিস্তারকে সার-এ অন্তর্লীন করার অভ্যাসই তোমায় ফাইনাল সার্টিফিকেট এনে দেবে ।